

Шочмо эл, порылык да чын верч!

Будь готов!

51-ше (3595) №,
2022 ий 23 декабрь,
кугарня.

Ямде лий



0+

1933 ий 1 февраль годсек лектеш.

«Тул вий» у шұдырым чўкта



Авторын фотожо.

Марий Элыште талантан икшыве-влак ятырын улыт. Икте йочасадыш кош-теш, весе школышто тунемеш, кумшо сымыктыш тонежыште мастарлыкым виянда. Нуно куштат, кўсле кыл гай яндар йўкышт дене мурат, семўзгар дене устан шоктат. Талантан ўдыр-рвезе-влакым «Марий Эл» ГТРК-н «Тул вий» передачыштыже ужаш лиш.

Май мучаште передаче угыч лекташ тўнгалын. Тудым Мария Григорьева ямдыла. Тачысе кече марте латкок клипым войзымо. Идалык мучаште, пашам иктешлен, ўдыр-рвезе-влак дене вашлийын, тауштымашым кучык-

тышт, интернет йўклымаште сеныше-шамычым саламлышт.

Снимкыште Йошкар-Оласе медколледжын студентше Юлия Усовам, Оршанке район Кугунур школ гыч Никита Козлов ден Данил Кудрявцевым, Параньга район Усола гыч «Шымавуч» ансамблын участникше-влакым, Йошкар-Ола гыч Карина Ефремовам ужыда. Нунын клипыштым эн шуко ег ончен. Ўдыр-рвезе-шамычлан полек шотеш мурылан шомакым сераш, клипым войзаш, студийыште йўкым возаш сертификатым кучыктышт. Усталык памашышт ончыкыжымат шолаш тўнгалеш манын ўшанена.

Х.АЛЕКСАНДРОВА.

ПОДПИСКЕ

«Ямде лий» газетлан кажне тылзын **15 числа марте** верласе связь отделенийыште, podpiska.pochta.ru сайтыште возалташ лиш.

Индекс – П4696.

Подпискым ыштыше-влак коклаште **лотерей** модыш эртаралтеш.

Тўн приз – блендер.

Тидлан квитанцийын копияжым редакцийышке колтыман.



Рекламе.



Түвыран ончыкылыкшо волгыдо

Фотом интернет гыч налме.

14-15 декабрьште Йошкар-Олаште «Түвыраште у» форум эртаралтын.

Түвыра, сымыктыш, СМИ да моло аланыште пашамыштыше, студент ден тунемше-влак кандаш площадкыште түрлө йодышым канашеныт (снимкыште). «Ямде лий» ден «Кугарня» газет редакцийлан пашаенышт тунемме тонеж-

лаште йоча ден самырык-шамычлан медиасообществым виандыме нерген кутыренит.

Форум годым Российысе калык-влакын түвыра пояныкышт идалыкым иктешленит. Түвыра пашаште ойыртемалтше-шамычлан «Калык чон» премийым кучыктенит.

Х.АЛЕКСАНДРОВА ямдылен.

Марий Эл Республикысе пүртүс поянык, экологий да йырвелым аралыме шотышто министерствын уверже почеш, **кожым але иман вес пушенгым руаш ок лий**. Тидлан кумыл тужем тенге штрафым пуат. Кожым руаш шонеда гын, чодыра озанлыкыште билетым налман. Йоча-влак, ача-аваланда шижтарыза.



26 декабрь гыч 8 январь марте Марий Элыште **пожар ваштареш** улмо режимым увертарыме. Каныме, кочмо верлаште, түвыра тонежлаште фейерверкым, салютым колташ, петардым пудештараш ок лий. Лүдыкшө. Тул дене ида мод, тütкө лийза!

Историйым шергалына

24 декабрь – Российыште Воин чап кече. 1790 ий ты кечын, Руш-турко сар годым, А.В.Суворовын вуйлатыме руш войска Измаил турко орым секен налын.



«Сайвер» – сенгыше

Шолэнгер школышто «КЭС-баскет» районысо таңасымаш эртаралтын. Тушто шым команде вийжым терген. Шолэнгер школын «Сайвер» командыже сенгыш лектын, а эн сай модшо семын Кирилл Мухаметшин (снимкыште) палемдалтын. Сүзлэнгер школын «Олимп» командыже кокымшо, Мочалище школын «Юшут» командыже кумшо лийынит. «Сайвер» командым да Кириллым шокшын саламлем.

Аня ВИНОГорова.
Звенигово, Шолэнгер.

Российысе увер

Школышто тунемше-влакым да студент-шамычым «Добром за добро!» всероссийский сылымут конкурсышто мастарлыкым тергаш ұжыт. Күчык ойлымашым але эсsem кеч-могай теме дене возыман да **konkurs-2023@bk.ru** адрес дене электрон почтыш **1 апрель марте** колтыман.

Кумылан кажне ег **«Выбери жизнь»** социальный рекламе конкурсышко ушнен кертеш. Таза илыш-йўлам кучымо, тичмаш еш, пиалан йоча пагыт, экологий да моло темылан роликым войзыман. Тўрыс увер – **new.filmofond.ru** сайтыште.

5-11-ше класслаште тунемше-влак, **«Без срока давности»** всероссийский сочинений конкурсышко ушныза. Школысо йыжыг **30 январь марте** шуйна. Сенгыше-влак районышто таңасаш тўналыт. Тўрыс увер – **es.memory45.ru** сайтыште.

Марий Элысе увер

С.Г.Чавайн лўмеш Национальный книгагудышто **«Дни короткометражного кино»** тўнямбал фестиваль **27 декабрь марте** эртаралтеш. Художественный ден документальный кино-влакым латкок ияш деч кугурак ийготан ег-шамыч яра ончен кертыт.

Марий Элысе доброволец-влак **«Новый год в каждый дом»** всероссийский акцияш ушнаш ұжыт. Шкет илыше шонгыен-шамычлан, йочапўртыштў, интернатыште кушшо икшыве-влаклан, неле илыш ситуацийыш логалше-шамычлан түрлө пўлекым ыштен, пайрем кумылыштым нўлталза.

Республикысе йоча да самырык-влаклан В.Х.Колумб лўмеш книгагудо 6-14 ияш ўдыр-рвезе-шамычлан **«Крылья России»** республикысе конкурсым увертарен. Тудо Российысе граждан авиацийым ыштымылан 100 ий теммылан пўлеклалтын. Тўрыс увер – **rubcolumba.ru** сайтыште.



У толкын

14 июлышто Россия Президент В.В.Путин йоча да самырык-влакым иктеш ушышо толкыным ыштыме нерген пунчалеш кидпалы-

жым пыштен. Тылеч вара паша воранен каен. Йоча да самырык-влакын россиясе толкыныштын (РДДМ) икымше съездше 18-20 де-

кабрьште Москошто эрта-ралтын. Российын 89 регион-жо гыч ўдыр-рвезе-влак ушненят. Нунын коклаште – Марий Эл гыч делегаций **(снимкыште)**. Йоча да кугыен-влак түрлө лекцийым колыштыныт, мастер-классым онченят, волонтер паша, пенгыде тазалык верч шогымо, наукам да технологийым вияндыме да моло нерген кутыренят. Лекше йодыш-влаклан вашмутым кычалыныт. Толкынлан улүмым пуымо верч йўкленыт. «Движение Первых» эн шуко йўкым поген.

Е.ИВАНОВА ямдылен.
Фотом интернет гыч налме.

Кайыкым сийлем

Телым кайык-влаклан куштылго огыл. Нуно кочкышым сурт пелен кычалыт. Мый, кормушкым ыштен, пакчашке вераңденем. Тушко пырчым, кинде пудыргым оптем, коям сакалем. Шулдыран йолташ-шамычын кочмыштым окна гыч шып эскерем. Мый поро пашам ыштем, а нуно шошым сылне мурышт дене куандараш тўналыт. Йоча-влак, те кайык пўртым ямдыленда?

Юля ЯГОДАРОВА.
Советский, Кельмаксола.

Киса – оза

Ик кечын олмапу укшеш кормушкым сакалышна **(снимкыште)**. Тушко таршўрашым, кечшудым пыштышна. Коям воштыр дене пижыктышна. Ынде кажне кечын тора гыч эскерем. Киса-шамыч кумылын толыт. Коя келшен, ўчашен-ўчашен чўнгат. Тавалат, шонет. Вес кечын, школ гыч толмекем, пўрткайык-влакын шўрашым чўнгымыштым ужым. Кенета изи пўртыш киса-шамыч чонештен толыч. Озала койын, сарси-влакым поктен колтышт. Шогертенат южгунам толеш. Тудат коям йўрата. Кайыкым эскераш пеш онай.

Марина СТЕПАНОВА.
Волжский, Упшер.



Фотом еш архив гыч налме.



Фотом школ архив гыч налме.

Марий пайрем

Ме, «Марий сылнымут сад-вечиште» кружокын эн чолга еңже-влак **(снимкыште)**, Марий тийше кечылан пўлеклалтше районысо квиз-модышышко ушненна. Тушто «Марий тийше кече», «Марий пайрем», «Марий сылнымут» да «Мыскара тўня» ужаш-влак лийыныт. Командына «Марий тамга» маналтын. Мыланна пайремлан пўлеклалтше ужаш поснак келшен. Туныктышына Елена Валериановна урокышто

Туныктымло пашан тўнал-тышыжат, мучашыжат уке, тудо лым лийде йогышо, шолын лекше пашам вўд гай...

В.КОСОРОТОВ.

марий пайрем нерген каласкала, йўлам шуктым мероприятийымат эртарам. Садлан кугу нелылык дене тўкнымў огыл. Ме, эн шуко баллым поген, сенгышыш лектынна.

Морко, Шўргыял.

Дмитрий ЕГОРОВ.





Экологий «кудышто» илат

Пытартыш ийлаште «Точка роста» рүдерым районысо Пятыр школышто почыныт. Звенигово район Чакмарий школышто 2021 ий сентябрь гыч ныл программедене пашам ыштат. Иктыже – 10-11-ше класслаште тунемше-влаклан «Экологий лабораторий». Тудым биологийым да географийым туныктышо Т.Н.Дмитриева (снимкыште – йоча-влакдене пырля) вуйлата.

– *Ўдыр-рвезе-влак пүртүсым изинек йоратыше кушкыт. Нунылан шочмо кундеммысе кушкыл, шуки-копшакге, янлык-влакын илышышт оңай. Микроскоп гоч ончаш поснак йоратат, ум пален налаш кумылышт уло. Тидым урокышто шижынам да икшыве-шамычым кружкош чумыренам. «Точка роста» почылтмеке, у арвер-шамыч пашанам саемдаш полшат,* – ойла Татьяна Николаевна.



Тунемше-шамыч пүртүсым эскерыме гоч шымлыме пашалан кумылангыт. Чакмарий кундеммысе йырвелым, урок да каныме годым йүк-йўанын кугытшым (уровень шума), кислород ден углекислый газын мыняр улмыштым, вўдын яндарлыкшым

шымленыт. Иктешлымеке, тидлан пöлеклалтше проект пашам возеныт. Мутлан, Дарья Петрова «Пчела – друг человека» пашам серен, Виктория Захарова – «Влияние звука и шума на здоровье человека» да ятыр молат.

Х.АЛЕКСАНДРОВА.

Фотом школ архив гыч налме.

Кисан кечыже

Тиде кечым школышто рүжге эртаренна. 1-9-ше класслаште тунемше-влак «Кайыкым пукшыза» темылан плакатым ямдыленыт, сўреттым сўретленыт. Шымше классыште тунемше рвезе-влак кормушкым кузе ышташ кўлмым моло йоча-шамычлан умылтареныт (**снимкыште**). Кудымшо класс гыч ўдыр-рвезе-влак кайыклан мом пукшаш лийме нерген ойленыт. Изирак ийготан-шамыч туштым туштеныт. Пайрем деч вара школын сад-пакчашкыже кайык үстел-влакым веранденыт.

Родион НЕБОГАТИКОВ.

У Торьял, Токтарсола.

Чодыраш – пöлек дене

Кундеммышкына теле толын. Чодырам, уремым лум ош шовыч дене леведын. Пүртүс чылт йомак тўняшке савырнен. Вашке У ий шуэш. Ты пайремлан ме, ачам, авам, Егор изам, чодыресе ик кожым сöрастараш понена. Каныш кечын мотор кожым ойыраш миенна. Декабрь мучаште тудым сöрастарена. Кож йымаке янлык-влаклан у ий пöлекым: кешырым, ковыштам, пўкшым – пыштена. Кайык-шамычлан кормушкым сакалена. Тек нунат У ий пайремлан куанат.

Аня АКТАНАЕВА.

Кайык еш

Шочмын шочын шогертен
Да шопкерыш чонештен.

Кушкын кушкыжмын куку,
Лийын аваж гай кугу.

Вўрзö вўр гай чеверген,
Лач вўргечым йоратен.

Изывыр гын изарнян
Муралта эше чолган.

Кугынер вел кугарнян
Ер воктен мала ласкан.

Шуматкечын шурнывоч
Куча пўтым – огеш коч.

Пала ронгыж: рушарнян
Шер теммеш каналтыман.

Кайыкат ушан-шотан,
Шўдö тўрлö койышан.

Н.ЗОЛОТАРЁВ.

Кужэгер, Уштымбал.



Икгай кок кайыкым муза.



Фотом школ архив гыч налме.



«Эрвийыште» кушкеш У ВИЙ

Татарстан Республикасы Набережные Челны олаште шуко түрлө калык келшен, икте-весым умылен ила. Нунын коклаште – кум түжем наре марий ег. Марий-влакын общиныштат уло. Кодшо курымын индешлымше ийлаж гыч «Марий сем» ансамбль пашам ышта. Варарак Марий рушарня школым почыныт. Тудым эн ончыч Л.В.Шабалин, вара Т.П.Закирова вуйлатеныт. 2014 ий гыч школ вес лүмым налын – марий йылмым, түвырам, йўлам йоратыше-влакын «Эрвий» клубышт (снимкыште). Марий шўлышан икшыве-шамычым шке йырже Е.А.Селезнёва чумырен.

– «Эрвийыш» ныллаткандаш ияш йдыр-рвезе-влак коштыт. Нунын коклаште шке икшыве-шамычы улыт. Ме «Родник» келшымаш пörтыштö кажне изарня да рушарня еда погынена. Кугу олаште тўрлө калык дене келшен илена гынат, кö улмынам мондышаш огынал. Садлан, кызытсе илышлан келшыше йөн-влакым кучылтын, йоча-шамычым марий тўвыра, йўла дене палдарена, марий йылмым тунемына. Марий классик серызе-шамычын сылнымутыштым шергалына, почеламутым тунемына.



Занятийлаште калык модыш дене модына, мурена, куштена. Марий пайрем-влакым тўжшкан пайремлена, – оила Евгения Анатольевна. «Эрвий» клубын участникше-шамыч мастарлыкыштым олесе, республикысе меро-



приятый ден фестивалылаште тергат. Верысе «Марий сем» ансамбль дене пентгыде кылым кучат. Нунын дене пырля «Мы ветви древа одного», «Доброе богатство – лучшее богатство» фестивалылаште устакыштым ончыктеныт.

– Чылажат еш гыч тўжалеш. Йоча-влак мемнам ончен кушкыт. Садлан марий йылмым, тўвыран акыштым умылаш изинек тунуктыман, – оила клуб вуйлатыше.

Х.АЛЕКСАНДРОВА.
Фотом клубын архивше гыч налме.



М Äкэй – марлан лекше ўдырамашын вуеш пижыктыме сöрастарыме ўзгарже.

Лум олян лумеш, лумеш,
Чылт ош лывыла коеш.
Кушко тые от ончал – Пеш сöрал,
моткоч сöрал.
Андрей ШУРМЕТОВ.
Татарстан, Агрыз,
Буймо.

Иделия **ИШМУРЗИНАН** сўретше.
Татарстан, Агрыз, Буймо.

Шонымашем шукталтше

Мый бисер дене पिдаш йöратем. Интернетыште видеоурокым кычалын, шергашым, кидшолым, арвер-влакым ыштем. Тўрлө техникым кучылтын, пидаш тунемаш кумылем уло. Шонымашем шукташ йодын, Йўштö Кугызалан серышым возенам. Юзо коча чешский наборым пöлекла гын, моткоч куанем. Сöрал арвер-влакым пидын, ачам-авам, йолташем-влакым куандараш тўғалам. Юзо кочай, шонымашем шукто!

Вероника БАЙРАМОВА.
Башкортостан, Бирск, Курмызак.


Кугу кол логалын

Мый яра шинчаш ом йöрате. Ача-авамлан сурт сомылкам ышташ полшем, книгама лудам, почеламутым возем. Кенезым ачам да изам дене колым кучаш коштына. Чолман энгер серыште шинчаш поснак келша. Мый икана кугу карпым кученам. Кузе куаненам! Изам мыйым кол дене моторын войзен. Тиде фотом кызытат аралем. Авам тамле кол шўрым шолтен пукшен. Тылеч вара колым кучаш кошташ кумыл утыр ылыжын. Палем, телымат энгыраш лиеш. Ала ачамым каяш тараташ?

Марианна ЯНДУБАЕВА.
Башкортостан, Мишкан, Тынбай.

М Мутерым филологий шанче кандидат **А.А.ИЛИЕВА** ямдылаш полшен.





Кўшыл категориян туныктышо, Россия Президентын грантшым кок гана налше, Россия Федераций общий образованийын почётан пашаенже, Йошкар-Оласе 21-ше номеран Семёновка школышто кугыжаныш марий йылме урокым

вўдышö **О.Н.ВАСЕНИНА** ямдылен.

«Сылне теле пагыт» урок

Йодыш-влаклан вашештыза.

Тыланет теле пагыт келша мо?

Телым игече могай?

Телым кайык-влаклан молан полшыман?

Тый кормушкым ыштенат мо?

Кормушко воктене могай кайыкым ужынат?

2 Почеламутым возен пытарыза.

Теле толын, сылне _____,
Йоча-влаклан _____,
Шич издeryш, чыме _____,
Курык чапле _____,
Ош калпакым кож _____,
Тюльым сакалтен _____,
Эх, ончал: могай _____,
Сўретлалтын шочмо _____.

А.ФЁДОРОВ.

Кучылтшашлык мут-влак: куанаши, сōралын, теле, утшалын, садер, веле, мунчалташ, вер.

3 Ойлончо-влаклан йодышым кельштарыза.

- ☀ У ий – куанен вучымо юзо пайрем.
- ☀ Йошкар-Олаште Ленин лўмеш площадьыште у ий кожым сōрастарат.
- ☀ Кож йыр лум да ий гыч тўрлō фигурым ыштат.
- ☀ Йоча-влак кож йыр имне, паровоз дене кудалыштыт.
- ☀ У ий вашеш площадьыште онай мероприятий-влак эртаралтыт.

4 Глаголым келшыше формыш шынден возыза.

ед.ч.

- 1л. Мый мунчалтем _____
- 2л. Тый _____
- 3л. Тудо _____

мн.ч.

- 1л. Ме _____
- 2л. Те _____
- 3л. Нуно _____

5 У ий пайрем ўстелыш мом ямдыледа! Возыза.

Таче – У ий пайрем. У ийым ме еш дене вашлийына. Пайрем ўстелыш ...

6 Текстым лудса да сўретым шымлыза. Марий вургемым ончыктышо мут-влакым йымач удырлаза.

Республикысе марий тўвыра рўдер У ий пайремын ик эн тўн геройжо-влаклан марий сынан вургемым ямдылен. Лумўдыр мотор марий тувыран, лум гай ош мыжеран, вуйыштыжо – парча гыч ургымо вуйшўдыш, шовыч. А Йўштō Кугызан ош мыжержым тўран йошкар пота сылнештара.



7 Сўрет-влакым ончен, теле каныш нерген сочиненийым возыза.



8 Тўрлō калыкын Йўштō Кугызажым возыза.

Марий калык – Йўштō Кугыза.
Руш калык – _____
Мордва калык – _____
Удмурт (одо) калык – _____
Финн калык – _____

9 Шомак-влакым келшыше падежыш шынден возыза.

(У ий) _____ – эн весела, эн вучымо пайрем. (У ий) _____ чыланат йōратат да вучат. (У ий) _____ кажне ешыште кожым сōрастарат, пайрем ўстелым погат. Вара чыланат мурат, куштат, тўрлō модыш дене модыт, вашла саламлат да (У ий) _____ таза, пиялан лияш тыланат.

10 Украиньште эрталтше спецоперацыйыште улшо салтак-влаклан у ий открыкым сўретлыза да пайрем дене саламлыза.



Модай түс келша?

2023 ийын түн озаже – Шем Вүд Кролик. Тиде янлыклар сур, пелганде, ошо, шем түс-влак келшат. Сандене тыгай түсан вургемым чияш тыршыман. Чеверракым йоратед а гын, йошкартым, кандым ойыраш лиш.

Йоча-влак, тыгай маскым ыштен чийыза.



Сүретым ончен, кагаз гыч у ий вуй-шүдышым ыштен, омсашке але окнашке сакалыза.




Изи озавете

«Кролик» салат

Кўлыт: 500 грамм колбаса, 1 кияр, 5 муно, 250 грамм пенгыде сыр, ик чывыштыш шем пурыс, 200 грамм майонез. Сорастарашлан – маслине ден кешыр.

Муным шолташ. Колбасам, киярым пүчкедаш, муным тёрко гоч нўжаш, шем пурысым, майонезым ешараш да вараш. Вартышым, кролик семен келыштарен, талингаш опташ, ўмба ч тёрко гоч нўжым сырым шаваш. Шинчам маслине гыч, пылышым сыр гыч, шарфым але галстукым кешыр гыч ышташ.



Пүгыльмө гыч кожым ыштыза. Устембак шындыза.



МЧС шижтара

- ✓ Кожым сорастарыме годым кум гирляндым иканаште ида кучылт: шокшылан көра кўчык замыканий лийын кертеж;
- ✓ сурт гыч кайыме годым, йўдлан гирляндым йортыза;
- ✓ уремыште сорастарыме годым пөлемлан келшыше удлинитель ден гирлянде-влакым ида кучылт.



Узор-влакым ончен, сүретым келшыше түс дене чиялтыза.



ЯНВАРЬ		М.Шкетан лўмеш Марий кугыжаныш драме театр	
2 шч	18:00	ПРЕМЬЕРА ТОРЕШВАТЕ /Угрощение строптивой	У. Шекспир Комедий /Угрошение строптивой
3 кш	18:00	ПРЕМЬЕРА КИТАЙ КУВА /Китайская бабушка	А. Болочва Комедий /Китайская бабушка
4 вр	18:00	ЎДЫР ТАНЛАН САЙ ПЕЛАШ /Три красавицы	В. Красаноров Комедий /Три красавицы
5 чт	16:00	БЕЗ СЛЁЗ НЕ ВЗГЛЯНЕШЬ /На русском языке	М. Апраксина Монаспектакль /На русском языке
5 из	18:00	ПРЕМЬЕРА ШУДЫРАН ТАТ /Забавный час по местному времени	Гор Николаев Комедий /Забавный час по местному времени
6 кг	18:00	ОЙ, МИЧУ!.. ОХ, ЗИНА!..	А. Мокеев Музыкальный драме /Ой, мичу!.. Ох, Зина!..
7 шм	16:00	АВА КАПИТАЛ /Материнский капитал	В. Матвеев Комедий /Материнский капитал
20 кг	18:00	ТЕРГЫШЕ /Реvisor	Н. Гоголь Комедий /Реvisor
21 шм	16:00	ЙЫВАН КЫРЛА. ПУТЁВКА В ЖИЗНЬ	С. Пектеев Документальный драме /Путёвка в жизнь
27 кг	18:00	ПРЕМЬЕРА ЙОРАТЫМАШЫН АКШЕ /Цена любви	В. Пектеев Комедий /Цена любви

КАССЕ (8362) 78-13-78 ШКЕТАН.RU

Рекламе.

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://t.me/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: ямделий.рф

УЧРЕДИТЕЛЬ-ВЛАК: Марий Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашышт түрлө лийын кертыт. Серыш-влак мөнгеш огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооружённый Вийын 70-ше идалькыше урем, 20-шо порт.
Тел. 8(8362) 45-22-82(факс).

Конкурс



Ксения ден Камелия СТЕПАНОВАМЫТ.

Параньга, Олор.



«Ўшанле йолташем дене»

Анна ПЕСКОВА ден Вера ВЕДЕРНИКОВА.
Медведево, Новый посёлко.



Полина АВВАКУМОВА, Даша ВОРОНЧИХИНА, Инна ЯМБАРШЕВА.
Шернур посёлко.

Йоча-влак ий ўмбалне хоккей дене модыныт. Ик командыште йошкар курткан 5 рвезе модын, а вес команде канде курткан лийын. Ий ўмбалне 11 рвезе лийын гын, канде курткан мыняр рвезе модын?



35	60	320	25	7
+ 5	- 2	: 80	: 5	· 70
: 8	: 29	· 9	· 60	: 10
· 9	· 100	- 8	- 9	+ 15
: 3	+ 0	: 4	: 3	: 8
· 10	: 4	· 50	+ 8	: 6
Д	О	М	Ы	Ш

350	50	150	105	48

Шотлен лук. Могай мутым возымо?

Сур кава гыч лум велеш, Мландымбак шыман возеш. Теле толмым вученна, Курыкышко вашкена.

Лювена ФЕДОТОВА-ГРАДОБАЕВА.

Параньга, Матародо.



8 **Валерия САИНАН сўретше.**
Морко, Коркатово.

Кок икгай лумьенгым палемдыза



Советский, Ёрша.

Тушто

Ош лум леведе шочмо мландым, Издер да ече кажнын ямде. Вашке – У ий, вучалте веле. Йомак гай сыльне тиде ...

Тўналеш тиде тылзын у ий. Вўд ўмбалне янда – кўжгё ий, Кеч лўдеш йўштё дечын кид-йол, Пеш келша мыланна ...

Кенежым мала, тельым кынелеш.
Тушто.



Кажне сўретлан келшыше палитрым кычалза.

Интернетысе сўрет-влакым кучылтмо.